

北洋官報

目錄

宮門抄
上諭

奏議○度支部奏覆北運河決口修治需款准由部省分籌摺△法部奏請重人犯應否停辦摺△湘撫岑奏湘賑需款現辦賑捐請照鄂省章程摺△黔撫廳奏設勸工陳列所摺△又奏設農事試驗場片

公牘○督憲札一件△周令子倬泉一件△豫撫札一件

文告五則△電報七則△新聞十六則

電編○吉林憲政籌備考核處簡章△郵局鐵路管理傳習所招生章程

本局第一百十期法政學報現已出版

宮門抄

七月二十三日 內務府 八旗兩翼值日 張中堂因子補郎中專摺謝 恩 陸潤庠假滿請 安並

謝 恩 扎公假滿請 安 掌禮司奏二十五日祭 奉先殿載攬行禮 召見軍機 陸潤

庠 桂春 俞廉三

上諭

七月二十三日內閣奉

上諭廣東布政使著陳夔麟補授欽此

上諭江西按察使著陶大均補授欽此

奏議錄要

度支部奏議覆直隸北運河鮎魚溝決口修治需款准由部省分籌摺

奏爲遵

旨議奏恭摺仰祈

聖鑒事署直隸總督奏北運河鮎魚溝決口年久楊村等處受害已深修治需

款請由部省分籌一摺宣統元年六月十九日奉

硃批度支部議奏欽此欽遵由內閣抄出到部原奏內稱通

州鮎魚溝決口多年屢堵屢潰水由港溝歸入鳳河馴至吸奪北運全溜武清縣所屬楊村等百數十村地勢最低水無出路民田廬舍久苦沈災京奉鐵路孤枕其間亦屬附危可慮奴才往來京津道出楊村目擊情形時深憫惻是以此次銳意修治以爲久遠之圖並籌擬辦法五條統計全工約需銀八十萬兩直隸司局各庫認籌四十萬兩其餘一半款無所出合無仰懇

天恩飭部於本年來年各撥銀二十萬兩以濟要工等因臣等竊維河工治否關係民生計與拯拔沈災自不能稍惜勞費武清所屬楊村等處百數十村自鮎魚溝決口後久成澤國該處又爲京奉鐵路必經之地汪洋彌望危險堪虞此次該署督所稱前項工程既所以安奠民居亦所以保全路綫自應及時興辦以圖久遠所請由部撥銀四十萬兩近日庫款奇絀籌措綦難惟念前項河工實關緊要不得不勉力湊集以資要用當由臣部商准郵傳部由京奉鐵路進款項下撥銀二十萬兩又由山海關稅撥銀十萬兩東海關稅撥銀十萬兩均分作兩年撥解計共撥足銀四十萬兩由直隸總督核實動用總期工程早日告成庶於路政民生兩有裨益所有臣等遵議緣由理合恭摺具陳伏乞

皇上聖鑒謹 奏宣統元年七月十二日奉 旨依議欽此

法部奏情重人犯應否停辦摺

奏爲恭奉

恩旨停止勾決所有情重人犯應否停辦恭摺具奏請

旨事光緒三十四年十一月初九日恭

逢 恩赦經臣部於宣統元年六月二十日奏請 停勾奉

旨依議欽此臣等溯查向來奉 旨停勾

之年刑部將秋審 朝審案內情重人犯如奪犯傷差連斃二命妖言惑眾傳習符咒官員侵漁帑項勒斂民財匿
名揭帖姦夫殺死悔過拒姦之婦輪姦婦女爲從竊賊拒殺事主首從各犯婦女與人通姦本夫因殺姦不遂羞忿
自盡案內之姦婦等共十項應否停辦之處具奏請 旨伏查自嘉慶二十五年以後每遇元年及十一年恭奉

恩旨停勾其情實各犯均奉

諭旨停辦道光三十年咸豐十年同治十三年暨光緒元年二年七年

十年十一年十五年十六年二十年三十年歷次停勾亦俱將情重人犯停辦惟道光十五年及二十五年恭逢

恩旨停勾情重各犯均奉

諭旨查辦同治三年歲逢甲子奉

旨停勾所有情重各犯奉

上諭著該部查照嘉慶甲子年成案仍行查辦俱各欽遵在案本年秋審 朝審情實各犯現經奉 旨停勾所

有情重各犯是否停辦抑仍行查辦之處謹將歷次辦理緣由恭摺奏 聞伏候 欽定俟奉有 諭旨後

欽遵辦理如情重各犯仍行查辦臣等循照舊章於奪犯傷差等十項案犯內核其情節分別情重及情罪尤重彙

開清單請 旨辦理其不在前項條款之內而核其情節較重者亦一體查辦擬將各省秋審及 朝審分作二

次由臣部開單具奏請 旨定奪所有情重各犯應否停辦緣由謹恭摺具 奏宣統元年七月初十日奉 旨著

停辦欽此

湖南巡撫岑春煇奏湘省賑需繁鉅現辦賑捐請援照鄂省章程辦理摺

奏爲湘省被災各屬賑需繁鉅現辦賑捐請援照鄂省章程代收部庫免保留省兩項捐款分別解部留用以濟要

需恭摺仰祈 聖鑒事竊照湘省上年澧州等屬被水成災籌辦工賑及續議賑撫需用各款無從措手經臣奏

請開辦賑捐並七項常例捐輸以濟賑需經度支部議覆照辦即經檄飭籌賑總局遵照於本年二月初二日開局

通飭各屬並分派委員廣爲勸辦在案茲查自開辦捐輸以來迄今數月各屬報解捐款爲數甚屬寥寥上年辦賑

籌墊挪借之款固無從彌補加以本年五月中旬上游永順府及桑植保靖永定慈利石門等縣連日大雨如注山

水建甌直下沿河一帶田廬均被沖毀下游濱湖之澧州安鄉武陵龍陽沅江南洲華容等州廳縣因沅西荆澧諸

水同時暴漲隄垸多被沖潰澧州淹斃人口甚多與安鄉等縣受災情形均較上年爲重業經臣委員運帶錢穀分

往會同各地方籌辦急賑兩次電請軍機處代奏欽奉 恩旨准將庫存南折銀兩動撥賑撫已由臣分別加撥

錢穀核實散放 皇仁廣被小民得慶更生惟災區較廣現查各屬飢民不下七八十萬人目下水未消退難期補種有收計距明春麥熟之期爲日方長約計接辦賑撫及以工代賑籌還墊款買補倉穀之項非有銀百餘萬兩不能解此倒懸雖經臣倡捐廉銀飭令道府州廳縣一體量力捐輸以資集腋亦屬杯水車薪當此捐輸已成弩末之時若專恃勸收賑常捐款斷難集事現經督飭司道悉心籌商擬請援照湖北章程代收部庫免保留省兩項捐款庶可以廣招徠而期挹注捐獲銀兩照章以一半提解部庫餘均歸入賑需項下支用俾災黎免填溝壑用資安輯仰懇 天恩俯准照辦據籌賑總局司道詳請具 奏前來除咨度支部查照外謹會同湖廣總督臣陳夔龍恭摺具 奏伏乞

皇上聖鑒訓示謹 奏宣統元年七月十七日奉

硃批度支部議奏欽此

貴州巡撫龐鴻書奏籌設勸工陳列所摺

奏爲籌設貴州勸工陳列所酌定辦法恭摺具陳仰祈

聖鑒事竊惟製器見垂於易象考工著重於禮經前古

利用厚生茂矩隆規具可考見嗣後遺意浸失百工自爲生理官司不加提倡能者偶挾偏技以成名劣者徒知蹈故襲常不求進步近時東西各國崇尚工藝日益富強 朝廷軫念時艱注重實業由是京師設陳列所沿江各

省亦多立勸工場開展覽會羅列紛紜比較巧拙使人民參觀購取以欲動其爭勝之念啓發其改良之志貴州僻處邊陲民生困苦物產無多百姓困於聞見工師又鮮專家如製革一項昔日稱爲美品近加考校反不如前固由

商民習僞昧於遠圖亦因無與維持坐任廢敗上年經臣奏設勸業道現已派員署理迭次商飭參做各處成規設立商品陳列所以資觀感茲據署勸業道向步瀛詳稱日奉飭設立陳列所與各科員悉心籌商省城公私各房屋

均無合式之處勢不能不擇地另建查有道署西偏隙地長十丈有奇寬可七丈面積約七十方丈爽塏軒豁可用以建築場所擬參用日本及湖北形式修造樓房周圍計二十七間合樓底共得五十四間深五丈寬一丈五尺工

料但求堅實不取鋪張估計需銀一萬餘兩即當鳩工興築落成後徵求黔省工藝貨品與天然材物分置其間並搜求各省工作物品擇其日用所需又爲此間所能做造者依類環陳藉裨考鏡其本省工產仍聽鬻售以規銷

路商民貨物有願入所陳列者分別寄售承租以廣招徠酌用管理員司分起照料啓閉以時男女異日不令混雜

一切費用概從撙節使能永久支持不至後難爲繼並將所擬簡章呈核前來臣躬往履勘地勢適中布置尙屬周妥已飭趕緊舉辦務令實事求是以仰副 朝廷通商惠工之至意所有籌設勸工陳列所各緣由除將簡章咨部外謹會同護雲貴督臣沈秉堃恭摺具陳伏乞 皇上聖鑒訓示謹 奏宣統元年七月十六日奉 硃批該部知道欽此

又奏設農事試驗場片

再貴州地處偏僻宜以農事爲本務惟百姓素鮮講求以致收穫不豐地利坐失殊爲可惜若不急謀補救恐禁煙以後民間生計益窘臣與勸業道籌商先就省城附近設一農事試驗場分類考求以爲各屬模範茲據署勸業道向步瀛詳稱省城六廣門外有營地一區面積八十一畝地勢平衍甚屬合用業經商就借撥擬於該處分割畦町建築屋宇以爲試驗場之用試驗物略分七項一穀麥二蠶桑三森林四果木五花木六蔬菜七畜牧試驗之法亦約分七項一天氣二土宜三籽種四肥料五器具六溝洫七耕作其場內設備則理化室飼蠶室標木室昆蟲畜養室病理試驗室肥料場土性部氣象臺溫室均須如法設置核計場地房舍經費約需銀四千兩購置圖書器用約需銀二千兩請予查核立案前來經臣親往履勘布置尙屬周妥已飭剋日開辦除將所擬簡章咨部外謹附片具陳伏乞 聖鑒訓示謹 奏宣統元年七月十六日奉 硃批該部知道欽此

公牘錄要

督憲端據運司詳擬將鹽員送入法政學堂肄業札飭學司轉行該堂遵照文

爲札飭事據長蘆張運司詳稱竊長蘆運署原設有課吏館專課鹽務人員嗣本司到任以名實未符詳明改爲長蘆鹽務研究所擬訂章程酌給各員津貼派委候補知州郭牧曾鈞爲該所監督督率在所鹽員研究鹽務并課以文牘事宜數月以來各員於鹽務情形頗已熟悉辦理文牘亦知門徑成效漸著本司竊維以鹽員而習鹽務固名實之相符然以鹽員僅習鹽務又造就之甚隘方今籌備立憲廁身官界務須曉法政蘆屬鹽大使一班由舉貢掣項而來者不乏年力富強資質明敏之士鹽巡檢一班亦間有可造之才老服鹽車未免可惜茲經本司選派鹽大使胡夢虞等十八員名擬送入法政學堂歸入別科班內肄業俾專心嚮學蔚爲有用之才他日或改官牧令亦

能遷地爲良應繳膳費卽由各該員津貼內按月扣出彙送該學堂收領以後如有年富質美之員仍當陸續送學其年在四十歲以上而班次較老者仍令在研究所辦公聽候差委所有擬將鹽員送入法政學堂肄業緣由理合詳請察核俯賜札飭提學司轉飭法政學堂遵照實爲公便等情到本督部堂據此除批示外合行札飭札到該司卽便轉行法政學堂遵照此札

直隸卽用知縣周令子陰呈 督憲條陳整頓直隸官界事宜文

竊以憲政爲圖強基礎官吏爲行政機關非整飭吏治無以勵廉隅而謀治安非廓清仕途無以得真才而敷憲政卑職漢邊微末居鄉常聞北洋用人行政之善及謬獲一官適分斯土到省以來默察官界之蕪雜吏治之苟且人員之壅塞風氣之頹衰迥非意計之所及設官爲民至此可爲寒心候補人員有數年未得一差未奉一札者名爲候補實困窮簷旣不居四民之中亦不與冠蓋之列是游民而外復有游官矣豈果盡不才耶而他項人員其凌亂當差之狀態則又摧踰踰閑無奇不有若夫現任州縣肥少瘠多羣謀遷調頻數吏治安得而修明新政安得而有效乎漢左雄曰數易吏則下不安久於其事則民服其教化漢唐吏治之隆無非久任而已近年舉行新政直隸貢全國模範之名不意外州縣腐敗敷衍或較他省爲甚者非盡疲弱抑有故也今日預備立憲之事體無窮預備立憲之時日有限若長此因循粉飾不亟加整頓其何以自強卑職愚陋不足言當時事知淺慮所及久邀 憲台洞鑒惟塵露雖微思隨滄海而成潤螢燭雖細思附日月而爲光就今日官界所亟宜整頓者四事謹分條陳之

一行公費而清吏治也今州縣之肥瘠不均肥者坐擁厚資義務不足酬權利瘠者不堪賠累權利不足酬義務以其肥也而夤緣固位之術工因其瘠也而希冀遷調之念切用人者亦不能不因爲調劑旣傳舍其官遂膜視其事欲求吏治之效豈非搜尋切之壠求干天之木就牛跡之水求吞舟之魚哉直隸百餘州縣瘠者居四五貼賠者居二三牧令爲親民長官而使其疾首蹙額仰屋愁歎救貧不暇其不能盡心民事推行新政不待考察而始知矣廉者裹足不前貪者方賤削小民以爲目前計此 上憲雖有勵精圖治之心而吏治終不能振之原理也夫欲潔流者先清其源欲樹木者先培其根 前督憲袁曾見乎此於光緒二十九年查全省州縣之極瘠者如清苑等三十四州縣由稅契項下每年津貼銀五萬兩然不過苟且補苴而肥者自肥瘠者仍瘠嗣於光緒三十三年又飭各

州縣將陋規合盤託出業經勻定州縣公費惜章程雖擬定而後來未能實行現屬實行政時代今或以無款而不行將來新官制頒出能仍以無款而不行乎與其攘難以待來年何如公費早行一日吏治可早清一日也況去歲四川已實行公費成效昭著北洋凡百新政皆爲全國先如此善政何可獨緩從前所訂章程有案可稽擬請籌集的款實行公費昭公允而合政體基久任而革澆風不然吏治永無澄清也 一清仕途而示限制也各省人員擁擠患在候補之多直隸人員擁擠患不在候補之多而在雜流之衆自破格用人之士之登進日宏卽流品之龐雜日甚亦運動之術日工查直隸自道府以至末秩數逾虎賁蓋候補而外候選者數百投效咨調者數百並無官職而冒充職銜及未經分發者又數百故有謂北洋爲當時官界逋逃藪者語雖過激而官界之凌亂無秩序已可信達於極點是皆神於營謀不問人之賢否官之有無平空遂可當差於是人浮於事則差委之名目繁增差必有薪則公款之耗數無度今試舉一局一堂自總辦以至司事其爲本省候補正當功名者計無二三其餘如火如荼之人員大都美其名曰候選統其職曰投効但見翎頂輝煌車馬喧赫自命爲官儼然官矣夫 朝廷名器濫假且不可而况濫冒者濫冒如北洋之多者若不嚴爲清查其何以鄭重名器今有鑪錘而後思爲治有耒耜而後思爲農士工商各因所藉而執其業今官界乃冒濫如此蓋若輩不以官爲效命 國家之公僕而以官爲發財贍身之捷徑毫不知恥靡然成風世道所關紀綱所在賈長沙不僅痛哭流涕者也雖舉行新政用人之際固不可拘以成格但北洋人繁於餽正不得不由此等處分別限制仕途或可澄清凡在北洋當差者擬請飭各局所自總辦以下各彙寫簡明履歷爲一册限日呈送由司道清查來歷調驗憑照冒充職官者立予斥除不准當差候選雖名註部册究未筆仕往年捐納數開今日肩摩踵接無非候選理宜靜候部銓何容躐等躁進查軍務及邊遠省分方有投効之例直隸無庸來投何所言効並有未經分發省分及已經分發省分而廁身北洋舍己芸人者總屬有爲而來漁利優薪凡此數項人員除實在爲當今難得之材及所辦事著有成績爲北洋不可少之人仍應留用外其餘因人成事委蛇苟祿者擬請破除情面重名器而肅官方嚴加汰裁核名實而清官界蓋畛域原不必分以後果有奇才異能無妨楚材晉用而目前乃承積弊之時欲官界有起色固非此不爲功也

豫撫吳爲木署附設籌備憲政考核處札司查照文

(未完)

爲札飭事照得籌備憲政時迫事繁本年已屆第二年籌備之期所有開辦諮議局舉行資政院選舉籌辦城鎮鄉地方自治調查人戶總數歲出入總數籌辦省城各級審判廳創設廳州縣簡易識字學塾限廳州縣巡警年內粗具規模各項皆本部院年內應辦之事現除諮議局選舉事宜業已大致就緒外其餘各項或尙未舉行或正在籌辦茲事體大不厭求詳時不再來少縱即逝况查前開各項或由布學按三司衙門經管或諮議調查巡警各局所專司若非有一提綱絜領之區總受其成於已辦者催促進行未辦者尅期規畫何以資考核而一事權本部院現擬仿照 憲政編查館考核專科辦法就本署文案處附設籌備憲政考核處一所派委特用道蔣道楹熙爲該處總理特用直隸州知州徐直牧壽茲爲幫理准補內黃縣知縣范壽銘揀選知縣蔡俊鏞候補知縣王嗣曾優貢知縣許鍾璿優貢知縣曾蘊鍵爲稽核員所有一切事件均由總理幫理分飭各員切實籌核由本部院督辦主持無庸另給關防其各該員均有差使亦無庸另給薪水以節糜費至處中詳細辦事規則即由在事人員妥速擬定呈候核奪可也除分行外合亟札飭札到該司即便查照並分別移行知照毋違此札

文告錄要

郵傳部鐵路管理傳習所招考告示○爲出示招考事照得本部統轄全國路政所在需員鐵路管理人才尤爲缺乏已成各路凡屬管理重要職任均不免借材異地其留學外洋歸國効用確有經驗能勝重任者亦甚寥寥各省築路同時並舉將來次第竣工尤需管理人才以備任使非亟宏造就不足以重路務而策羣材現於京師設立鐵路管理傳習所以專造就鐵路管理人才爲宗旨三年畢業後分各路練習遞升重要職任庶路務無乏才之嘆生徒多致用之才定於八月二十三十七十九等日按科分期考試准在北京天津上海香港漢口鄭州六處招生同時並考自八月初一日起報名填冊至初八日截止北京即在本部考試爲此示諭願考諸生屆時赴本部承值所報名填冊聽候考試其天津上海香港漢口鄭州各處分遣專門科學人員前往主試從嚴甄錄不限額數以及格爲準考取各生限九月初間一齊到京所有招考章程十四條及三年功課表列後仰投考諸生一律遵照切切特示 (章程錄後)

督憲批示錄要○鷄澤縣典史稟鷄邑先後大雨沙河漲浮圖店等村隄岸一再漫決現在督飭民夫堵築由

批據稟該縣六月二十八日大雨傾盆沙河水勢驟漲浮圖店漫口十二丈餘黃溝村亦被水冲刷八九丈之多正在搶堵詎於七月初一二三等日連宵大雨又復沖決鷄澤縣知縣雖經公出惟平日籌防不力實難辭咎應將該縣及該典史各記大過一次候行藩司查取銜名註冊仰該縣督飭民夫趕緊堵築尅期合龍并將積水設法疏通勿任久淹爲害被水村莊田禾有無傷損并即查明稟辦仍錄報道府查照此繳

藩台批示○獻縣孀婦李劉氏呈 批此案前據該氏呈蒙 前督憲以縣斷是否公允應否飭令覆審等因批行到司本司查縣斷甚屬公允當將毋庸再飭覆審並該氏如再上控應行押發嚴懲等緣由具文詳覆暨飭縣知照在案茲據該氏來轅請示既稱爲便遵循起見尙無不合著仍遵照縣斷完案弗再恃婦好訟致干押發○安平縣文生張建勳呈 批此案前據爾胞弟張傳薪來轅呈控本司因控關科罰當經飭縣錄案詳奪迄尙未據具詳到司殊屬遲延候札催該縣迅速查案錄覆詳奪爾即回籍靜候可也躁瀆無益

臬台批示○藁城縣民人陳連羣來司呈控一案 批爾弟陳二羣在押身死之處現據該縣驗明並無別故取結詳報何得砌詞聳瀆

保定官話字母學堂榜示○爲榜示事照得本班學生茲於七月十五日考試畢業已將試卷評定甲乙分別正取副取備取凡正副取者均各獎送書報備取者仍隨下班溫習所有錄取諸生名次開列於後須至榜者 計開
正取九名 朱惟忠 王大綱 劉玉山 朱惟信 高鳳岐 許其昌 嚴文章 沈玉亭 劉順保 副
取四名 史珍 崔樹桐 李昆山 張鴻才 備取五名 保全 李雲海 沈寶珍 張書林 張瑞祥

電報錄要

路透電○德國塞普林伯爵邀請內閣并議院各員共二百人到福理德沙芬地方遊歷塞氏并請每十五人乘坐飛艇一隻飛過康司田斯湖

又電○美總統戴夫德氏電致庫克氏稱賀此次赴北極探險尋獲新地之事

柏林電○德國塞普林伯爵邀請內閣并議院各員到福理德沙芬地方遊歷德國亨利親王海軍大將克司德氏亦往該處塞氏預備飛艇六隻請該員等分乘在空中遊行

又電○俄國在芬蘭灣添設砲臺

又電○英京傳述英政府擬解散議院現英國官場聲稱實係子虛

又電○瑞典國普通罷工風潮現已止息

又電○美國北極探險家庫克氏現在行抵希興葛爾地方聲稱伊按照科學將此次實在行抵北極之情形證明以便他人研究

新政紀聞

政治

整頓警政之計畫○民政部以各省警務開辦日久功效未見大著擬飭各省將警務人員甄別一次凡於警務不

甚熟習者一律更換以重警務而免濫竽

法部注意監獄衛生○法部各堂以東西各國於監獄無不講求衛生現各省開辦改良模範監獄昨特飭各省一

律添設官醫以重衛生

函告遞補議事會○天津縣議事會致遞補議員楊君思壽穆君文敬函云敬啓者本會議員李君士銘孫君洪

伊現因當選諮議局議員勢難兼顧擬辭議事會議員之職業經公同認可遵照章程第十六條應以複選舉名

次表前列之被選者遞補之查閣下複選名次在前應即遵章遞補理合專函奉告敬請台旆尅日到會并預爲

函覆以便立案專此通告

籌備處添請顧問員○蘇屬自治籌備處參議唐侍郎等於本月初五日開大會商議一切又聞該處現添請沈君

恩孚孟君昭常爲顧問員以便諮商進行方法

自治預備會之秩序○浙江寧波地方自治預備公會於七月初一日在郡廟內特開大會是日官紳商學農工各

界到者一千餘人茲將開會秩序錄下 一宣開會辭 二公推臨時議長 三報告組織情形 四討論草案

五公舉正副會長 六提議事件 甲本會經費 乙地方自治研究所 丙甯紹商輪 丁公園 戊東錢

湖 七演說 八閉會 所有各職員俟舉定後再行報告

外交

呈請保護遊歷外人○督憲據津海關道呈英商克可蘭由津赴直隸張家口遊歷又日商櫻井幸三郎由津赴直隸河南山東等處地方游歷又英教師恩德樂由津赴直隸山東河南山西陝西內蒙古游歷又日人上村八次郎由津赴直隸山東山西河南安徽江蘇浙江福建江西湖北湖南廣東廣西貴州雲南等省游歷又美商德泰行派華夥赴庫倫地方採買山羊絨棉羊絨生山羊皮生綿羊皮生獺皮生熟皮張駝絨等貨又日商井上熊吉由津赴直隸山東河南山西等省游歷又據東海關道申希臘人巴拔多布羅思赴東三省游歷各等情除分行外已札飭所屬照約保護矣

振興漢口租界之辦法○湖北漢口日本租界雖已成立無如離鎮市寫遠異常清淡殊非振興商務之道刻經日領事高橋君以若照各國辦法只住本國人萬難希望熱鬧是以特別變通將該處三道街一帶地皮出賃華民蓋造房屋取價亦廉每方一月收洋四角半以五年為限其警察力任保護並不另取工部捐已設有野川公司專司其事如願租者給以憑單以昭信實

學務

學部圖書館擇地建築○學部建置京師圖書館一事久有成議聞已於前日奏定擇地德勝門積水潭地方建築房舍並奏派繆京卿荃孫充當總辦郎中楊熊祥充當提調小京官傅嶽芬充當幫提調云

批准民立監獄學堂○江南監獄傳習所畢業生陶鎮東王肅然等具稟皖撫懇於皖省創立監獄學堂茲經朱中丞批云該生等均在江南監獄傳習所畢業現據合籌的款六百元於省城創設監獄學堂並繕具簡章十五條稟請立案前來熱心憲政本部院深為嘉許應仍准江南傳習所之例定名為安徽監獄傳習所先行開辦並俟該所擇定地址招集生徒開辦講授一二月之後由本部院派員蒞所考察成績後再行立案所請派委名譽監督一節暫無庸議除牌示外仰按察司知照

鄂學擬開法政豫科○湖北法政學堂擬於今年開設豫科一班計額一百四十名前經該堂監督邵太史咨由提學高學使分飭各屬迅將各該處高等小學堂畢業學生限七月中旬齊集省垣以候考送法政豫科以資肄業

軍政

各營選送偵探隊○步軍統領朗貝勒於六月初已飭南營選精明幹練兵士作爲偵探隊專探東西車站及會館客棧往來行人茲聞日前復飭五營各送選出之探兵二十名備挑刻已陸續送到云

續派軍員招募徵兵○江蘇陸軍混成協協統陳得龍主政蒞差後見各營逃兵及病故者缺額甚多雖經兩次添員赴清淮一帶招募尙未補足因特會商督練公所籌撥款項續派安員再往補徵以重軍備現聞總辦袁觀察已議准由公所遴派科官一員爲正徵兵官協部遞派營弁四員爲副尅日仍往江北分招云

電催咨送陸軍中學生○鄂督陳小帥以武昌所設陸軍第二中學堂原係鄂湘黔滇桂五省合辦現該堂已奉部咨定於八月內考試九月開學試期在邇惟雲南一省送到學生六十名其餘各省送考學生尙未到鄂特電催各該省督撫迅速於本月內咨送來鄂報考幸勿遲誤

實業

派員參觀勸業會○農工商部溥尙書以南洋勸業會爲中國之初創特與各堂商議除奏請簡派審查總長蒞場開會外仍派丞參二員前往參觀以覘各省工商之優劣

組織工藝考驗處○督辦直隸工藝總局孫蔭庭觀察擬在勸業會場陳列所內設立工業考驗處凡直省各屬隨時送成品到陳列所考驗者卽由該處悉心考驗各加評議并派工藝局繙譯官藤井恒久兼司該處考驗評議事宜至每年工業大考仍按向章延熟嫻工業諸君擔任評議員責任又令藤井恒久覓購日本工業書籍督同前派日本學習工業新回之畢業生按日譯成華文彙訂成帙俾廣刊布以資開濬

奉天出品協會選舉日期○奉天省城出品協贊南洋勸業會事務所應設之總理協理評議幹事各員定章由會員中投票公舉再由監督詳請大憲加札委用現該事務所擬定於十四日會議選舉事件下禮拜日爲實行選舉之期間已函知各屬商會矣

務旗制各科分司考核其總理本處一切考核事務及凡不隸於各科者則更設總務科總司其事至凡爲憲政籌備單內所未列而與本省籌備憲政有密切之關係其已經京部及本大臣本部院奏定辦法者均應歸本處總務科隨時統爲考核辦理茲特略舉大綱如下

一總務科 總理本處一切事件及凡不隸於各科事宜

一民治科 掌考核地方自治及諮議局事宜

一學務科 掌考核逐年推廣教育事宜

一司法科 掌考核新定民刑律例及推廣審判事宜

一財政科 掌考核各項稅則及清理財政預算決算事宜

一警務科 掌考核實行警政及調查戶籍事宜

一旗制科 掌考核變通旗制籌辦生計事宜

第四章責任 本處爲憲政考核機關所有全省應行籌備憲政事宜本處均有依限督催隨時考核之責並得分類籌議辦法陳請本大臣本部院核奪施行

第五章辦法 凡關於憲政籌備事宜各主管官廳局所應將分年籌備辦法大綱先行擬定呈由本大臣本部院交處核議飭行並將每月籌辦事件於月終分類彙齊呈送本大臣本部院交處備案及核定以便得由本處隨時考核督催而免貽誤 凡關於籌辦憲政事宜均由本處分別考核其各主管官廳局所辦事成績之優劣期限之合否並嚴定功過以昭激勸 凡各主管官廳局所籌辦事件並隨時由本大臣本部院派員分赴各處實行考察送交本處詳加覆核呈請本大臣本部院查明分記功過 凡每屆六個月應由本處將各主管官廳局所籌辦憲政成績彙編報告由本大臣本部院分別奏咨立案

第六章附則 本處現僅擬定辦事總章程本大臣本部院核准照辦其餘詳細規則應由本處分擬各科辦事章程呈經本大臣本部院核定分別施行

郵傳部鐵路管理傳習所招生章程十四條

一須身家清白年紀在十八歲以上二十五歲以下

一入學程度 一英文(曾讀四年以上者) 二英文論說(最注重) 三英文譯漢 四漢文譯英 五口授英文講義筆錄 六普通輿地 七算學 (至週年子息法爲止) 八代數 (至雙位方程式爲止) 九國文

(能作三四百字清通者 除國文外全用英文考試)

一考取入堂全用英文教授兼習法文或德文三年畢業

一報名考試在京取具同鄉官印結在外取具殷實舖戶蓋戳

一考取學生由官醫細驗身體強壯無疾病者

一入堂時各覓保人填註保結本身自具志願書一通存案方准入堂

一學生畢業後派各路練習按照年勞遞升如有私就別差應行追繳三年內學費責成保人擔認繳清

一考取學生如有程度較優足以選入第二年級者准其呈請考試第一年級各科學於報名時聲明試及格即作爲第二年級學生惟人數須在四十名以上方能開班

一法文學生曾習表內功課或習法文有普通程度者亦准報考取保入堂補習英文

一不設宿舍不備飯食其考取各生到京時先由堂備客棧暫住供給飯食一月以後概由該學生自理

一入堂後不收學費所有筆墨紙張及一切雜用品均不發其教科書及操衣學衣靴帽均由堂備辦該生繳價領用

一學生聰慧嗜學程度及格願專習鐵路機械建築者可轉送唐山路礦學堂肄業

一各埠考取各生呈具保單志願書後按名給與船票車票來京其餘零費概不發給

一入堂後考試成績最優者酌給書籍彙器等獎品以示鼓勵

第一年	後期	第二年	後期	第三年	後期
前期	前期	前期	前期	前期	前期

代數	代數	平面幾何	立體幾何	平面三角	平面三角
物理	物理	地質學	地質學	鐵路轉運經濟	鐵路轉運經濟

家用良劑

錫蘭著名之著述家深感韋廉士大醫生紅色補丸治愈其妻母最劇之胃病又使其妻並已身復原有力量之功能

西門錫爾佛先生者為著名之小說家也其聲名久為錫蘭全境所傳誦彼嘗以韋廉士大醫生紅色補丸為家常之良藥承致書而讚其功效云○余初信韋廉士大醫生紅色補丸之故以其能療余家岳母之痼疾也家岳母現年七旬前患胃病勢甚劇烈胃口失調喉嚨腫痛口內生瘡大便澁結頭痛頭暈肚腹漲悶種種等症使之身體諸



西門錫爾佛君
錫蘭著名之著述家小像

多不適甚至因口痛喉腫之故常有數日食物不能下嚥祇可略飲牛乳粥湯而已身體軟弱日甚睡常不安甯如此年邁患此重症勢甚危險觀其面容憔悴不堪余友常提撕余妻小心侍奉余曾為之延醫服藥非惟不能全愈抑且更形加重爰於二年前以韋廉士大醫生紅色補丸使家岳母嘗試之不意既服之後頓覺靈驗如神喉痛即止口瘡即愈諸疾全消而不復發矣余甚喜韋廉士大醫生紅色補丸功效之神速常將是丸作為家用之良藥偶逢余妻身體軟弱或已身操勞過度服之獲益甚多即余諸親戚友服之亦莫不屢見功效其為余所親知者即凡風溼骨痛胃不消化以及他種疾病均賴是丸而得十分全愈也○韋廉士大醫生紅色補丸所以能治愈錫爾佛君之妻母薩來新西夫人之疾者因是

丸之力能經過血中運行全體使其身軀康健復原而有力焉是丸常如此法已曾治愈 血薄氣衰 諸虛百損 腦筋衰弱 少年斷喪 陽萎不舉 背骨疼痛 肝經各病 山林瘴氣 頭痛頭暈 風溼骨痛 左癱右

換 腳氣衝心 猪羊癩癩 乾溼癬癩 瘡疥疔疹 皮膚諸症 以及少壯婦女月信不調所患各疾莫不奇效如神焉 中國各處商店藥局凡經售西藥之處均有代售或直向上海九江路B字第八號 韋廉士大醫生藥局中國總發行處購買亦可 價銀每六瓶英洋八元每一瓶英洋一元五角 遠近郵費一律不取

上海九江路B字第八號韋廉士大醫生藥局啟

本局印售各種書籍圖畫目錄

北洋官報

- 澄衷學堂字課圖說
- 天文歌略
- 地球歌略
- 地球韻言
- 小學韻語
- 蒙養學堂百課
- 最新初等小學國文教科書
- 初等中國歷史教科書
- 心算初學
- 最新初等小學筆算教科書
- 最新初等小學筆算教科書
- 忠經
- 英文學問答
- 東文典問答
- 地文學問答
- 皇朝政治學問答增校初二編
- 節本泰西新史攬要
- 算算教科書
- 數學上編
- 普通新智識課本
- 中等植物教科書
- 中學礦物教科書
- 高等小學博物教科書
- 生理衛生學
- 化學教科書
- 中學地理中國誌

- 八本洋二元
- 一本洋三分
- 一本洋一角五分
- 二本洋二角
- 一本洋一角五分
- 一本洋四分
- 二本洋三角二分
- 二本洋一元
- 二本洋紙洋五角
- 二册洋三角六分
- 合售洋三角六分
- 一本洋紙洋五分
- 一本洋二角
- 二本洋二角五分
- 一本洋二角
- 二本洋五角
- 二本洋紙洋四角
- 二本洋紙洋三角五分
- 二本洋紙洋五角
- 二本洋紙洋四角
- 二本洋一元二角
- 二本洋四角
- 二本洋紙洋七角五分
- 一本洋邊紙洋七角五分
- 一本洋紙洋四角
- 一本洋紙洋三角五分
- 一本洋紙洋二角五分
- 四本洋六角

- 植物學教科書
- 皇朝政典舉要
- 萬國憲法比較一本
- 法學通論
- 萬國通商史
- 新爾雅
- 康熙幾暇格物編
- 周禮政要
- 明夷待訪錄
- 普通教科書目提要
- 科學書目提要初編
- 心算教授法
- 萬國公法提要
- 甲辰年學報彙編一百種
- 乙巳年學報彙編
- 丙午年學報彙編
- 全年學報彙編
- 農學新書三十五種
- 日本栽桑捷法
- 美國養雞法
- 農務述聞
- 畿輔輿地全圖
- 御製耕織圖
- 朝鮮輿地全圖
- 地球開闢次序圖
- 平圓地球圖
- 東三省鐵路全圖

- 一本邊粉紙洋二角五分
- 四本洋五角
- 一本邊粉紙洋三角五分
- 一本洋七角
- 一本洋二角
- 二本洋三角五分
- 二本洋四角
- 二本洋六角
- 二本洋二角
- 一本洋五角
- 一本洋一角五分
- 一本洋一角五分
- 一本邊粉紙洋三角五分
- 四本洋一元
- 五十本洋二元七角
- 四十本洋四元二角
- 廿四本洋四元八角
- 廿二本洋五元六角
- 一本洋一角二分
- 一本洋四角
- 一本洋三角六分
- 六扇屏洋二元
- 二册洋五角
- 一册洋一角
- 三十二張洋一元
- 一張洋八角

第一千一百八十六册

告白

新 啟 告廣司公限有灰洋



啟者本公司係承唐山洋灰公司老廠另購外洋最新式機器旋密等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家栢林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等尚有機器製造之缸磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在北北京奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也

德律風一千三百零九號

得利洋行

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑽珠寶
 鑽石戒指留耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡
 本行主人啟

瑞林祥元記 綢緞洋貨

本號開設北京前門外鮮魚口 天津估依街中間路北 山東濟南府院西路北自置綢
 緞紗羅顧繡蟒蟒洋貨布疋各色喇啦厚呢京廣什貨俱全貨高價廉劃一不二後廳內專售
 線貨織絨袍衣包被套口袋線毯毛毯零賣均照行價發兌中外 紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 鐵鋼料器磁壺 奇巧美術玩器 學界文房用品 旋行携帶等件 精工鑲身物料
 定續各色磨靴 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啟

買字助賑諸君請看

敬啓者甘省苦旱被災日久凡屬同胞各盡心力而助善舉鄙人亦不忍膜視是以聊藉筆資助賑匝月以來蒙好善諸君賜件頗多然紛紛囑寫指書者亦屬不少今擬補錄指書潤資列後以供衆覽其餘潤資各款仍照從前原定章程辦理合併聲明

四尺盪聯指書每付一元
五尺一元二角
六尺一元四角
四尺挑山指書每件一元二角
五尺一元四角
六尺一元六角
四尺屏幅指書每四扇一元六角
五尺每四扇二元
六尺每四扇二元四角

如條多照加單宜簿紙不書

招牌指書各件由四寸至八寸字起碼每一字一角不在單者可以赴宜蘭堂南紙局另議定期不悞
今將現售出筆資助賑之款登錄至七月二十日爲先一月之期由宜蘭堂代收筆資共計洋二十元零四角紅
杏飯莊代收筆資洋共計二十元零六角鄧觀察公館代收筆資共計洋三十元零四角特先聲明容俟將款集齊匯交後三個月期滿再行酌諒按名總登可也
故城陳筱華謹啓

北洋法政學堂專門學堂招考中學學生廣告

本堂擬添設中學班遵照學部中學堂分科章程專設文科一類爲法政專門之豫備畢業後直接升入本堂正科不得轉學他處茲定於九月初一日招考先期自七月二十日開始報名至八月二十五日截止凡有志諸生查照左列各要件屆期來堂報名爲幸 課程 (照中學堂文科課程辦理惟外國語一科以日語爲主英語爲輔) 獎勵 (畢業後照中學堂章程請獎正科畢業後照高等學堂章程請獎) 宿舍 (概由學堂豫備) 年齡 (十五歲以上二十二歲以下) 年限 (照中學堂章程五年畢業升入正科後二年畢業) 學膳宿費 (每月共六圓) 入學資格 (中文通順曾在高等小學堂肄業二年以上者)

恤隣廣告

敬告者現值兩湖吉林各省被水成災居民田廬牲畜沖沒殆盡其情慘不忍聞亟應勸辦義賑以資協濟如蒙諸大善長概捐賑款請送至北馬路商務總會掣取收據以便彙解災區散放拯救災黎不勝盼切之至此佈
天津救急善會具

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
外官商照顧頗加獎
譽茲為推廣招徠起
見自本年起承印各
項價目格外減讓以
副官商雅意如蒙
賜顧請至本局賬
房面議可也

賣字助賑諸君請看

敬啟者鄙人因甘省荒旱異常凄慘萬狀竊踵紳商醫界後願效綿力仿照上年江北水災賣字助賑辦法計以各處所得潤資全數充賑旬日以來頗蒙社會所歡迎茲因發起伊始各處相繼賜資來紛至應付不遑鄙人作嫁依人日無瞬息應盡責任內又不敢稍有放棄致負天職惟念甘省災區甚廣此次潤格又極從廉若不稍事變通移緩就急恐一經限滿則收件雖多而集資無幾似不足以濟要需而亂厚望茲承諸同志忠告囑將潤格重行改訂略為酌增以期有濟即由六月二十一日實行先擬試辦一月查看情形為何再為續辦以符原訂三個月期限所得潤資儘行助賑如蒙賜件請仍送交北馬路華勝燭皂公司或舊北門內永泰合洋貨鋪及舊東門內冰窖胡同瑞恆錢局代為交收庶不致悞潤資先付七日取件茲將酌減潤格列下以供衆覽幸垂諒焉

八言楹聯八角
四尺挑山一元二角
六尺屏幅四扇一元二角
四尺屏幅四扇一元二角
團扇八角
密股不書
名截一角
連號兩角
不在單者另議

章武願連城謹啟

天津銀號廣告

本銀號代辦直隸公債所有本年宣統元年二月初一日四月初一日六月初一日第四年第一第二第三三期應付本利銀兩即係原訂光緒十五年期限業經照數分付廣登廣告各在案茲值本月初一日起第四期滿給還本利之期凡天津暨各府廳州縣各票主請查照章程七條持票至原借各府廳州縣及各項稅捐已詳請兩且期滿之票並可任便抵納地丁錢糧鹽課關稅及各項稅捐已詳請兩且期滿之奏准章程通飭各屬不准留難需索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告